



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Exercitiis spiritualibus mirè immutatur.

urn:nbn:de:hbz:466:1-41515

sive in vsu communi, familiarique congressu, sive
 dum mensæ accumbit, seu publicè, seu priuatim
 abire, nisi quod Dei laudem ac pietatem sonaret:
 idque ea facere sanctitatis, comitatisque pruden-
 tia, vtaudientibus semper multum emolumenti,
 nihil molestiæ vnquam, aut satietatis afferret. Hæc
 autem non curiosè obseruans, sed quo oculo san-
 cti Patres meliorum considerandas virtutes do-
 cēt, totus ad imitationem rapiebatur: eaq; omnia
 sibi pro forma proponēs, ac regula, ad quā vitam
 deinceps cōponeret, ac dirigeret suam, nihil iam
 dubitabat, quin hoc demum Sacerdotum esset il-
 lud nouorum genus, ad quos ipse ex viduæ sanctæ
 prædictione deberet adiungi. Nec verò minus Fa-
 brum & sapientia cepit adolescentis, & bonitas.
 Agglutinantur continuò inter se utriusque ani-
 mi; & magister egregius pro nobilitate discentis
 de promens industriam, ad exactam reconditionis
 philosophiæ speciem præscriptis à B. Ignatio men-
 tis exercitationibus expolire, perficereque aggre-
 ditur. Constat enim ex Ephemeride ipsa Fabri
 non Coloniæ hæc, sed Moguntiæ gesta. Tum ve-
 rò, ubi sancto illo in ocio vacare sibi ac Deo Cani-
 sius cœpit attentius, instar aridæ materiæ, quæ fa-
 cilli-

*Exercitiis
spiritualibus
mirè immu-
tarur,*



cillimè concipit flammam, ita paulatim animo,
sensibusque immutatus est, ita mentem lux cœle-
stis impleuit: denique, ita est nouo quodam vi-
gore perfusus, vt & in corpus redundantē diuinæ
beneficentiæ copia, totus corroborari, totus in ali-
um prorsus hominem transire sibi, ac transfigura-
ri videretur. Itaque vix meditationibus iis perfun-
ctus, vel, vt opinor, nondum omnino perfunctus,
ipso die S. Michaëlis, qui tertium & vigesimum il-
li inchoabat ætatis annum, post maturam delibe-
rationem hæc vota concepit. Primum exemplo
se ad Societatis obedientiam transiturum; ac paū-
pertatem Euangelicam, quatenus eiusdem Socie-
tatis Præfides statuerent, complexurum. Præterea
ad sancta Apostolorum Petri, & Pauli peregrina-
turum iimina. Postremò nisi Societate recipere-
tur, aliam quamcunque probatae religionis fami-
liam, quam illa præscriberet, initurum. Hanc for-
mulam scripto exceptit (autographum penes nos
est) tripliciique cruce subsignauit: tum adiecit,
Modis omnibus orare se Præfides, ut commone-
rent sese, corriperentque, si quando segnem perspi-
cerent: atq; ad ea præstanta seuerè compellerent.
Fortè quis admiretur, quod nulla in his votis mē-

*Societatem
vener anno
1543.*

D 2 tio